

سرى للغاية

محضر اجتماع اللجنة التنفيذية العليا للاتحاد الاشتراكي العربي

برئاسة الرئيس جمال عبد الناصر

القاهرة - مقر الاتحاد الاشتراكي ١٦ ديسمبر ١٩٦٨

من سعت ١٩٥٥ الى سعت ٢٢٢٠

الحاضرون

المحسن أبو النور، لبيب شقير، كمال رمزي
استينو، ضياء الدين داوود.

الرئيس جمال عبد الناصر، على صبرى، حسين
الشافعي، أنور السادات، محمود فوزى، عبد

المحتويات

الصفحة	الموضوع
١	١- مناقشة الأسعار والاستهلاك والإنتاج
٦	٢- رفض تسليم لاجئ سياسى حسب الدستور
٢٧-٢٨، ٩	٣- انتخابات مجلس الأمة
١٢	٤- السياحة
١٣	٥- النشاط الخارجى ضد مصر من ألمانيا الغربية والنمسا
١٧	٦- قبل فتح الجامعة، كيفية التعامل مع الطلبة الذين قادوا الاضطرابات
٢٨	٧- بحث إجراءات تعديل دستورى
٣١	٨- قواعد الانتخابات فى محافظات القناة وسيناء
٣٤-٣٦	٩- مشاكل الفلاحين

سرى للغاية

محضر اجتماع اللجنة التنفيذية العليا للاتحاد الاشتراكي العربي

برئاسة الرئيس جمال عبد الناصر

القاهرة - مقر الاتحاد الاشتراكي في ١٦ ديسمبر ١٩٦٨

من سعت ١٩٥٥ الى سعت ٢٢٢٠

(أحاديث في الصالون)

عبد الناصر: شفت المذكرة بتاعة عزيز؟

شقير: ماشفتهاش يافندم مجاتليش، وكنا إحنا خلصنا المذكرة اللي بعنتها لسيادتك النهارده يافندم.

عبد الناصر: آه. ماشفتش المذكرة، نؤجل الموضوع ده لبعد العيد.

شقير: والأسعار.

عبد الناصر: هو ناقص حاجتين الحقيقة هو أصل عزيز بيبيض الصورة، يعني عايزة مستلزمات الإنتاج هنقدر نجيبها ولا لأ؟ وبعدين ما هي الزيادة في الاستهلاك؟ مافيش أجوبة على هذا الموضوع! يعني أنا شفت عزيز إمبراح الصبح.

شقير: إحنا واصلين في المذكرة اللي بعنتها لسيادتك النهارده هم السؤالين دول برضه، يعني إحنا مديين اتجاهات عامة لكن بنقول أي تخفيض في سعر السلع يجب نحسب فيه عدة عوامل، وعلى ضوء العوامل بنقدر ..

أولاً: إيه الزيادة المتوقعة في الطلب على كل سلعة على أثر التخفيض.

ثم هل طاقتنا الإنتاجية لوحدها محلها تكفي لمواجهة هذا ولا هنكون في حاجة

الى الاستيراد؟

ونمرة ثلاثة: إيه مستلزمات الإنتاج اللي لازم زيادة لاستيرادها لمواجهة هذه الزيادة

في الطلب.

وبعدين إيه الأثر في التصدير بتاع السلع إذا كنا بنصدر منها بكميات؟ إيه الزيادة

هنتقى على حساب هذا؟

سرى للغاية

عبد الناصر: لأ. ما هو بالنسبة للسلع الهندسية، مشكلتها هتخسر كل شركة مليون جنيهه، لكن بقى هو تخفيض الزيت والصابون والسمن والكيروسين والشاى، طبعا هو فيه حاجات ارتفعت ١٠٠٪ و ١٥٠٪ والقماش ومش فاهم إيه، أنا شفت الحقيقة المذكورة جاتلى إمبارح.

شقير: هو الأثر على الخزانة يافندم فى الثلاث سنوات كان أثر عكسى، يعنى ماداش النتيجة بل زادت حاجات.

عبد الناصر: لأ.. هو قال لهم: إنه ده مش هينقص الخزانة حاجة، وكان موجود معاهم الحقيقة وزير الخزانة فى العملية كلها، وهو رأيه إن ده إصلاح اقتصادى بالنسبة للسلع المعمرة والعمليات دى. ولكن أنا برضه هم السؤالين: المستلزمات وزيادة الإنتاج، وزير التخطيط اتكلم على إن يانخفض أسعار يانشغل ناس وإن التنمية هى الأهم، وشعراوى اتكلم على الخوف من الطوابير والعمليات دى.

صدقى عارض الموضوع كلية، وقال إن ده هينزل الاستهلاك مبلغ بس ومافيش حاجة خالص، وزير التربية والتعليم قال: إن العملية عايزة دراسة. وأنا لما جالى الموضوع إمبارح أنا الحقيقة لقيت فيه كيروسين وكانت صورة كويسة، الحقيقة عملية كويسة لكن لكى يطمئن قلب الواحد قلت: عايزين نعرف إيه الزيادة فى الاستهلاك وبالذات الزيت والسمن والصابون أحسن كان عندنا أزمة صابون فى يوم ما، وإيه مستلزمات الإنتاج هاتزيد بإيه؟

طبعا هو رسوم الإنتاج بقت بتمثل النهارده كمية كبيرة من الميزانية، وبعدين هو مثلا لما بيقول لى إن احنا استهلاكنا من السكر نزل ٧٦ ألف طن بعد رفع السعر وبعد تخفيض البطاقة؛ حاجة غريبة يعنى. هو أنا رديت على الوزير قلت له: إذا مكانش فيه استهلاك يبقى مش ممكن حانقبل استثمار، ماهى عملية الاستثمار إيه؟ إذا ماكنتش حاتبيع بضاعة المصنع حاتبنى مصنع تانى إزاي؟! المهم إنك تبيع ويزيد الطلب على البضاعة اللى عندك فى المصنع، ما هى دى العملية على طول بتبتدى توسع المصنع أو تعمل مصنع تانى؛ لأن إذا مكانش فيه طلب هفضل على المصنع ده ومش هتعمل مصنع تانى.

شقير: الاستهلاك كمحرك.

سرى للغاية

عبد الناصر: آه.. يعنى أول كتاب قريته فى الاشتراكية هو كان why should be socialism؟ وكاتب العملية دى فى كتاب صغير كده، اللي هو إن احنا نعمل مصنع ونشغل الناس ونديها أجور فبتستهلك، فنعمل مصنع ونشغل ناس ونديها أجور والمصنع بيبتج وهتستهلك، فهيبقى فيه طلب فنعمل مصنع. واتكلم على إنجلترا الحقيقة لأنه مكانش بيتكلم على نظرية عالمية، طبعا إنجلترا عندها مستلزمات الإنتاج، بقى فى كلامه هو العملية ماشية على طول، إنه هو بيشغل الناس والناس بتستهلك فينتج وهكذا. والحقيقة ده اللي ابتديت أنا على أساسه الصناعة؛ الدنيا كانت معارضة فيها يعنى مجلس الإنتاج وفى الحكومة إن الكلام خوف ومانعش ومش هنعمل! لكن الواحد بقى مش عملية مستلزمات دى، ولكن الصناعة النهارده بتبان إنها ابتدت تبقى متكاملة والحاجات اللي كانت صغيرة قبل كده..

شقير: ومشاكلها الانتقالية بتزيد تدريجيا.

عبد الناصر: إبتدت تبقى فيه صناعة ثقيلة، عندنا مصنع الدرفلة.

السادات: مشاكل كثيرة قوى.

عبد الناصر: معملناش الفرن اللي كان مفروض نعمله ونعمل الفرن الثالث ونوسع الدرفلة، قلنا بنستورد كتل حديد، وبعدين اتلغت الاتفاقيات مع روسيا وبولندا وتشيكوسلوفاكيا وألمانيا. وبعدين مشروع كهربية الريف اتلغى كل ده كان معمول، يعنى مصطفى خليل أول حاجة عملها لعى؛ وكهربية الريف معناها تغيير البلد. والحقيقة العمليات دى كلها كانت محسوبة قبل الخطة الثانية، ولكن كل ده اتلغى!

شقير: ممكن نعمل مذكرة عن الموضوع ده كهربية الريف.

عبد الناصر: مع إن عندنا دلوقتي كهرباء زيادة وعندنا مياه زيادة، أيام عزيز ما كان ماسك الكهرباء كان عزيز يكن أكبر عدد من القرى، وكان اتعمل مشروع وكل حاجة وبعدين جينا فى ١٩٦٥ لغيناها! عملنا قرية باين واحدة! (ضحك) وبعدين جم وقالوا: العملية هتقف، والحقيقة برضه أيامها كان الواحد متاخذ من عملية الطوابير، هو الحقيقة الواحد فى الانكماش

سرى للغاية

بيستريخ وزير التموين يستريح وكل الدنيا تستريح فى عملية الانكماش.. دى من ناحية الطلب.

شقىر: إنما مشاكله السياسية العامة أقوى.

عبد الناصر: هو إمبارح حجازى قعد اتكلم بقى يقول الانكماش.. الانكماش.. الانكماش! (ضحك) ووزير التخطيط بقى مبسوط وسعيد قوى السيد جاب الله! (ضحك) لأن هو الوحيد اللى كان بيقول الأول الانكماش.

الحقيقة هو بعدين فيه حاجتين كمان الواحد لاحظهم التجارة الخارجية والمجالس السلعية، والكلام ده أنا رأيت إن دى عملية لأن شركات التجارة الخارجية مش ماشية مضبوط وبيجيب مثلا ب ٧٠ ويقول إنه جاب ب ١٠٠ ويدي ٢٥%! فالنتيجة إن احنا بنحمل الصناعة عندنا الكلام ده كله، وبعدين بتيجى بقى شركة التجارة الداخلية نتيجة لقلة الاستهلاك رافعين الأرباح، ومافيش سياسة التسعير إلا على الأقمشة الشعبية فبتلاقى مثلا فى العملية متحملة على طول ١٠٠٪.

شقىر: مرات متتابعة.

عبد الناصر: مرات متتابعة، وبعدين هم فى يوغوسلافيا سنة ١٩٦٥ كانوا عاملين العملية اللى احنا بنعملها دلوقتى، وبعدين خلوا كل شركة تشتغل لوحدها ضمن الخطة العامة للدولة بس تصدر وتستورد، واللى بيجيب عملة صعبة بيخلوا له الحصة بتاعته بالعملة الصعبة، وعلى أساس إذا شركته مااشتغلتش بيصفوها.

استينو: فى تشيكوسلوفاكيا كنت هناك سنة ١٩٦٤، بيخلوا جهاز التسعير تبع رئيس الوزراء مايقاش تبع وزارة التجارة الداخلية ولا الخارجية، وهم بيراقبوا الأسعار ويراقبوا السلع البديلة لأن أكبر حاجة عندنا دلوقتى مش رفع السلعة أد ما هو بيقل إنتاجها ويمنعها ويطلع سلع بديلة؛ لها زى الفانلات والشرايات. وعلى هذا جهاز التسعير تملى هناك لأن فيه سلع يكون ليها تملى أثر سياسى وطلع ثانية بيكسبوا فيها وبعدين بتبقى الحصيلة متكاملة، ولهذا الجهاز تابع لرئيس الوزراء هناك.

شقىر: ومحدده اختصاصاته.

سرى للغاية

الشافعى: على أساس إن التسعير وسيلة تحكم فى الاستهلاك يعنى.

استينو: لأن الواحد لما يبطلع أسعار زى ما هو عايز والآخر يطلع إنه كسبان مهواش مكسب قوى، فى يوغوسلافيا عملوا منافسة دلوقتى وقالوا كل مصنع يشتغل زى ما هو عاوز لكن أسعاره لازم تنافس الأسعار الخارجية. لكن إحنا هنا مش عاملين منافسة والشركات يادوبك، طب الراكد والمخزون علشان يبيعهوه، الأقمشة اللى هى مطلوبة فى السوق علشان الناس تضطر تاخذ المخزون بسعر مرتفع وجودته واطية؛ فاتوجد جهاز محايد، رأى وزارة التخطيط بيبقى جهة محايدة، هى مابتسعرش كل يوم ولا حاجة لكن بتبقى الأسعار ثابتة ولما بتتغير بيرجعوا للجهاز.

الشافعى: هو أسلوب المنافسة بنخليها طبيعية أكثر.

استينو: ما هو مافيش منافسة وماينفتحش الخارج.

عبد الناصر: يوغوسلافيا فتحت.

استينو: يوغوسلافيا فتحت وقالت: اللى عايز ينافس بيبقى..

عبد الناصر: لأ.. يعنى بضائع من الخارج مفتوحة فى البلد؟

استينو: آه.. أنا قريتها.

عبد الناصر: لأ.. ولا فى يوغوسلافيا حتى فى يوغوسلافيا عاملين items محدودة شوية، روايح شوية كذا دى اللى جايبينها من الخارج، لأن مش معقول هناك ينافسوا البضاعة ويحببوا بضاعة من بره لأن ممكن اليابان تغرق لهم البلد. ده النهارده السوق المشتركة عاملة حماية ضد الخارج مش بس الدول الاشتراكية.

هى عملية رئاسة الوزارة دى مشكلة الحقيقة يعنى تعبتنا جدا يعنى! وعلى طول عمل دكتور فى الاقتصاد وودانا فى داهية! (ضحك) يعنى بدليل اللخبطة اللى حصلت وبعدين كل واحد عنده اتجاه، يعنى ممكن يقولوا كلام من الميثاق وكلام فاضى بهذا الشكل بس الحقيقة اللى فى الدم فى الدم! (ضحك)

سرى للغاية

أصوات: (ضحك)

أبو النور: ماهو واضحة واضحة كل اللي اتعمل ده.

عبد الناصر: تعرف التليفزيون كان كاسبان ١,٥ مليون النهارده خسران.. الشركة خسرانة! مادام مابثتغلش وبتدى أجور، الأول كان ببيعه بـ ٥٠ جنيه وكاسبان ١,٥ مليون، فدلوقتي إحنا بنبيعه بـ ١٦٠ مافيش! العملية الحقيقة زقها عايضة مجهود، وزير التخطيط هو راجل كويس الحقيقة.

شقيير: هو ذكى يافندم و deep قوى فى شغله، وبعدين هو مقل فى الكلام لكن بيعرف.

عبد الناصر: القيسونى عايز يروح الكويت.

فوزى: بيفكر يروح الكويت.

عبد الناصر: هو طالب يروح الكويت فى الكويت هيكسب أكثر يمكن.

السادات: طبعاً.

عبد الناصر: هو ليه علاقة يظهر برضه كثير زارهم يعنى كذا مرة.

فوزى: فيه حاجة مستعجلة شوية يعنى ولازم نبت فيها على طول، نفرض القيسونى فضل ورجع تانى وقال: باروح هناك مافيش مانع.

عبد الناصر: لأ.. أبداً.

فوزى: حاجة ثانية نصف مستعجلة، طه حسين زى ما سيادتك عارفه قاعد بيزن علشان الراجل نسلمه، يقول لى: تعملوا معروف وشوفولكوا طريقة بأى شكل، معرفش.. قاعد يقول خسارة نخسر علاقتنا علشان حاجة زى كده.

سرى للغاية

عبد الناصر: بس إحنا الدستور بتاعنا يمنع، يعنى إحنا كاتيين تسليم اللاجئيين السياسيين محظور.

السادات: ده فى الدستور.

فوزى: هم إدوه شكل سياسى أكثر، لو كانوا مكبروهاش بالشكل ده يمكن كانت تمر.

عبد الناصر: والله مايستاهلوا، هم ماردوش على تعيين السفير بتاعنا بقالهم ٤ شهور، ومعندهم حد، وبعدين هم برضه هنا جوه بيشتغلوا فى إسكندرية وفى القاهرة ولهم اتصالات، وبعدين بيحاولوا يتصلوا ببتوع فتح. وأنا رأيتهم بالنسبة لينا مش.. وبعدين الحقيقة أما هتيجى تسلم الراجل ده برضه هيبقى فيه تساؤل فى العالم كله.. كيف نسلم لاجئ سياسى؟! وعندك اللاجئيين الأمريكان اللي فى السويد العساكر من فيتنام، وفيه لاجئيين ضدنا فى إيطاليا وفى سويسرا وفى البلاد دى وكل حتة، سعيد رمضان محدش بيسلمه، وبعدين هو الراجل ده عمل باسبور مزور وجه هنا، تسليمه الحقيقة.. يعنى إحنا لا نسلمه للصينيين ولا الأمريكان.

السادات: هو كان عايز يطلع يروح روسيا.

فوزى: أيوه.

عبد الناصر: بيطلع آه.. بنوديه سويسرا مثلا.

فوزى: وهم الصينيين يعرفوا.

عبد الناصر: آه.. أو نوديه لبنان، مالهومش علاقات مع الصين! (ضحك) لكن فى الحقيقة مانسلمهوش أبدا هذا مبدأ فى الدستور.

فوزى: يطلع من عندنا يبقى خلاص.

سرى للغاية

عبد الناصر: لو يمشى أحسن آه، إنما منسلموش للصين، يعنى هى العملية ماهياش عملية إنهم يخضعونا، نخلص منه لكن مانسلموش.

السادات: هو عايز يروح روسيا متهيألى هو عايز يروح روسيا، بس دى تعمل مشكلة.

شقىر: وجوده هنا أرحم.

فوزى: يعنى يروح لبنان أو سويسرا.

عبد الناصر: ما هو لبنان يعنى راح للصين الوطنية، ده لبنان الشاه عايز يستلم بختيارى مارضيوش، والعلاقات ساءت بين لبنان وإيران رغم إنه عليه حكم ومسكوه ومعاه أسلحة. لكن أنا سمعت من يومين إنه كان فيه كلام إن هنسلم الراجل للصينيين الحقيقة، فأنا استغربت إزاي هنسلم محدش قال لى! ويبقى كأننا كنا بنتكلم معاهم طوال الشهور اللي فاتت كلام فاضى يعنى.

فوزى: أيوه.

عبد الناصر: هم موقفهم معنا سيئ جدا الحقيقة، الأول قالوا: هيدونا ١٠ مليون دولار وهيدونا قمح وما إدوناش حاجة!

فوزى: السعودية بيقلوا: ماتدوش تأشيريات لا لسعود ولا لأولاده إنهم يطلعوا بره.

عبد الناصر: إنهم يرجعوا يعنى؟

فوزى: آه.. على أساس إنهم يرجعوا السعودية.

عبد الناصر: الحقيقة برضه عملية مش سليمة، إلا إذا مجاش من الأول كان معلى، لكن جبناه وإحنا زعلانين مع فيصل وبعدين نكرشه؟! مع إنه هو ابن كلب زى فيصل يعنى! (ضحك)
يعنى هو عايز علاقتنا تسوء مع فيصل، أنا قلت لهم.. قلت للصباح مش ممكن.

سرى للغاية

الشافعى: لو تيجى منهم هم.

عبد الناصر: لأ.. سعيد رمضان هناك، دول جابين فى قضية أذاعها راديو بغداد إمبرح، يعنى قالوا دول ومالوش أسماء الدول، هم لما بيقولوا باش عيان على طول بتبان العملية إن فيها السعودية.

فوزى: أيوه.

عبد الناصر: ما هو وزير الخارجية مع فاضل الجبالى، ده لابس عقال وبيشغل.

فوزى: وحكاية كميل شمعون.

السادات: وفرعون آه.

عبد الناصر: كلهم بيشتغلوا والبزاز برضه والعقيلى وخليل كنه.

أبو النور: ويتوع سوريا.

عبد الناصر: هم العراقيين كلهم ماتعرف لهم..

شقىر: جه العقيلى فى العراق والله مرتين يافندم، والله أكثر من ساعة بيتكلم فى إزاي هو مرتبط بالريس ويقدر، وحضر مع سيادتك معرفش فين فى سنة كام.. حاجات!

عبد الناصر: ده هو اقليمى جدا الضابط.

شقىر: آه.. اللى هو كان وزير خارجية وكان مرشح لرئاسة الجمهورية.

عبد الناصر: ده سئ جدا، وبعدين رجعى يمىنى جدا سئى جدا.
مين فيكو بقى هينزل الانتخابات؟

سرى للغاية

أصوات: (ضحك)

عبد الناصر: أنا بافكر فى الأخ لبيب يمسه المجلس، معرفش إيه رأيك؟

شقىر: اللى تراه سيادتك يافندم.

عبد الناصر: الأخ ضياء لسه صغير! (ضحك)

أصوات: (ضحك)

عبد الناصر: وبعدين برضه فى رأى إن الأخ ضياء برضه ببقى موجود يعنى احتياط إن كان ماعدوش مانع، يعنى كفاية إنتو الاثنين تنزلوا الانتخابات، ويبقى الأخ لبيب يمسه المجلس.

فوزى: والتعليم العالى! (ضحك)

أصوات: (ضحك)

عبد الناصر: هو عنده عملية المجلس.

شقىر: اشتغلت فى المجلس مع السيد أنور.

السادات: سنتين.. اشتغل كويس قوى قوى يعنى.

عبد الناصر: يعنى هو الحقيقة ببيان يعنى بنجدد.

أبو النور: وباله طويل.

فوزى: بس أنور هيوحشنى خالص! (ضحك)

أصوات: (ضحك)

سرى للغاية

عبد الناصر: وأنا بيتهياًلى أنور قرب على المعاش! (ضحك)

أصوات: (ضحك)

عبد الناصر: الحقيقة الشغل.. ولو إن أنور ببريح نفسه كويس! (ضحك) وباستمرار بيطلبنى فى التليفون ويقول لى.. يقول لك ربح نفسك! (ضحك)

أصوات: (ضحك)

السادات: نفسى فى حاجة واحدة إن شغلنا يبقى أساس من الصبح لغاية الساعة خمسة بس، وبعدين اشتغل الأسبوع كله من الصبح لخمسة.

عبد الناصر: ده الأهرام هو اللى عامل كده دلوقتى، بس بقى تعرف أنا بالليل بيبقى مخى أصفى وحاضر، فالواحد الصبح بيصحى حاسس إنه تعبان ومكسر لأنى بنام واخرى. وبعدين مثلاً كل أما جلسة تطول بالليل طول ما أنا أصحى وذهنى.. وبعدين فى اللجنة المركزية لازم الحقيقة ياخدوا شعور كامل إن احنا مش عايزين نكروتهم، ولانم نشغلهم لغاية ما يكفروا.. لغاية ما يقولوا كفاية! هو المجلس الحقيقة عايز شغل، والحكومة الحقيقة عايزة كلام دلوقتى؛ أصل أنا مش راضى أتكلم على اللجان الحقيقة لأن اللجان مموتة الدنيا، فالنتيجة إن أنا باروح المجلس وباضطر أروح مرتين نعمل جلستين فى الأسبوع، واللجنة الاقتصادية يعنى مموتة الدنيا خالص!

شقىر: وسيدانك بتفكها.

عبد الناصر: لا.. بفكها حسب خطة موضوعة! (ضحك)

أصوات: (ضحك)

عبد الناصر: أعمل إيه بقى أصل هى عاملة لى bottle neck فى كل المواضيع! وبعدين اتجاهات صدقى واضحة فهو هيعطل الدنيا! والنتيجة إن أنا مباحولش حاجات على اللجان زى ما كنت بأعمل، لأ.. باحول على المجلس يعنى يتعمل الشئ الفلانى ويبجى الجلسة الثانية

سرى للغاية

فى المجلس. وبعدين عملنا لجنة زراعة وعملنا لجنة صناعة وتسعير، ومش فاضل حاجة الحقيقة غير لجنة التجارة.

فوزى: فيه تانى الحطة بتاعة السياحة مش عاوزنها تبقى..

عبد الناصر: وزارة السياحة ماشية اقتصادية.. ماشيين مع التجارة.

شقىر: وزير السياحة قال لى: إنه جه بيطلب أوضة أنزل فى أسوان فى العيد مالقاش أوضة، بيقول: أنا إنبسطة رغم إنه هتضيع على فسحة! أنا الحقيقة عملت check على الكلام ده لقيت حقيقى.

عبد الناصر: طب مايروح فى الاستراحة.

شقىر: لأ.. هو بيقولها لى علامة على إن السياحة يعنى..

عبد الناصر: السنة اللى فاتت أما رحى لوكاندة فتحناها يوم ما جه تيتو وانقفلت، وفيه اللوكاندة دى اللى فى الجزيرة اتفتحت كلابشة.

شقىر: إنما هو الونتر بالاس وكاتاراكى كله مليون، وهنا ابتدوا يتحركوا شهرزاد فتحوها برضه.

فوزى: البلاد الشمالية مثل السويد وغيره.

السادات: وألمانيا الغربية يظهر جت برضه.

عبد الناصر: مستعدة تدينا credit نعمل بيه صناعة وياخدوا من المنتجات.

داوود: أحسن نضمن فيها اللى احنا نطلع..

عبد الناصر: آه.. هم عايزين.

سرى للغاية

شقىر: هم الحقىفة يافندم متمسكىن لآخر لحظة؁ سىادتك بتذكر التوجىه اللى اديته سىادتك إنه مانطلعش.

عبد الناصر: آه.

شقىر: طول الشهور بنعدم يعنى جايين بعثات هنا واحنا عايزين.. وهتضيع وهتروح لسوريا؁ أقول لهم: طيب أجلوا استتوا شهر ماأديلوش أمل أبدا.

عبد الناصر: بس هو بقى أكبر مركز مضاد لينا ألمانيا الغربية؁ وكان فيه الجمعة اللى فانتت مظاهرة جماعة مصريين مش عارف إيه؁ وجالى تلغرافات من الطلبة قالوا: إنهم بيستكروا الموضوع؛ لأن هو هناك CIA بتشتغل والإخوان المسلمين وأبو الفتاح.

شقىر: باعت منشور..

عبد الناصر: بتاع إيه؟

شقىر: بتاع مصر الحرة.

عبد الناصر: وبعدين دى المنشورات اللى بتطلع حسين وأحمد؁ المنشورات اللى بتطلع كثيرة قوى ومطبوعة وبتتوزع وبتروح لسفارتنا فى باريس وبتروح لكل حطة!

فوزى: طيب الطلبة نقدر نسفرهم من هنا وننقيهم ونمشيهم على نظام كويس قوى.

عبد الناصر: وبالذات أمريكا وألمانيا يعنى فرنسا وإنجلترا والكلام ده؁ لكن ألمانيا بالذات.

أبو النور: فيه تركيز كبير فى ألمانيا والنمسا برضه.

عبد الناصر: بيدفعوا لهم فلوس كثيرة وبيزقوا عليهم برضه بنات؁ وبعدين هو المركز كله فى ألمانيا.

سرى للغاية

داوود: لو نبعث لهم حد هناك ويحصل نوع من الربط.

عبد الناصر: حاولنا والله وحسين كامل بهاء الدين كان بيسافر وييلف، وقلنا وعملنا وحدات اتحاد اشتراكي بره، فهي العملية إيه؟ فيه مجموعة إخوان ليه بقى؟ فيه مجموعة مصريين هناك منشال عنهم الجنسية وقاعدين هناك بيعملوا وبيأخدوا معونات، دول اللي هم بيفسدوا وبيشتغلوا على الطلبة.. ناس قاعدين وبيشتغلوا، وبعدين تيجي للمكتب الثقافى بتاعنا تلاقهم متخانقين مع بعض والعملية دى! أنا وافقت على حسين كامل بهاء الدين يروح هناك النهارده الصبح وممكن يشتغل يعنى.

فوزى: هل نقدر نستعويض إلى حد ما يدونا ناس من ألمانيا يعنى أساتذة زى ما بتعمل فرنسا، المهم يعنى نستفيد.

عبد الناصر: هم الألمان الغربيين أنا فى رأيي إنهم ملاعين لأنهم عبارة عن جواسيس لاسرائيل، هم عملاء للأمريكان وبالتالي لاسرائيل. حتى الأسبوع اللي فات يعنى هم عايزين يحسنوا علاقتهم بالعرب على ألا يسئ هذا الى أى علاقة بينهم وبين اسرائيل، وبعدين ألمانيا مستعمرة لأمريكا، وبعدين أولادنا اللي راحوا أمريكا حاولوا يجندوهم وجم ناس وبلغوا إنهم حاولوا يجندوهم؛ فالعملية الحقيقة الأولاد بنبعثهم والنتيجة إن احنا هنخسرهم، فى فرنسا بقى العملية أحسن، فى إنجلترا العملية أحسن.

داوود: المكاتب الثقافية، ملاحظ إن مافيش ارتباط بين الطالب والمكتب، يعنى يقعد الطالب بالسنة ما بيروحش المكتب الثقافى ولا المكتب الثقافى..

عبد الناصر: لأ ده ممكن المكتب الثقافى بيكفره يعنى بالإضافة الى هذا!

داوود: لو إحنا إذا أحسنا نودى ناس سياسيين.

عبد الناصر: قلنا والله هذا الكلام من مدة.

سرى للغاية

شقيق: ما هو الذى طلوعوا سياسيين وموجودين، هى ألمانيا الغربية يافندم لها مشكلة بالذات العدد كبير جدا هى فيها ٢٠٠٠ طالب أو ١٨٠٠ طالب. نسبة كبيرة من هؤلاء من الذى طلع فى الفترة بتاعة الخمسينات بقى ٥٦ لحد ٥٩ الذى كانوا بعد الثانوية العامة، ويروحوا يدرسوا بره. الأولاد سنهم ١٨ أو ١٩ سنة، هؤلاء الأولاد لم يعد منهم نسبة كبيرة حتى الآن، وبعدين لما قعدوا طبعا أهاليهم مش هيقدروا بيعتولهم فلوس عشر سنين، فبتنتهى الحالة الولد بيتجوز من هناك ويرتبط بألمانيا ارتباط كامل، وبتبتدى الست بتاعته تشغله بتوديه مصنع بتوديه بتاع ارتبط. علشان بيرر وجوده لازم بيتدى يبين إنه مش عايز يرجع لأن البلد هنا مش عاجباه و.. و.. الى آخره؛ علشان يبقى ضامن مستقبله الذى هناك. دول قوة ضاغطة، يروح ولد كويس بنبعته ياخذ الدكتوراه، بينزل فى وسط دول ينزلوا دق عليه؛ أنا شفتهم سنة ١٩٦٢ فى القهاوى هناك، مافيش قاعدين شكلهم صيع خالص، وبعدين very aggressive وكل العملية هى تبرير باطنى إنه ليه هو قاعد هناك؛ مصر والحكم ومش عارف إيه يعنى عملية تبرير لوجوده بره.

عبد الناصر: وتجارة.

داوود: كان فيه هنا قريب سورى هو رئيس الصداقة العربية الألمانية بفرانكفورت، كان جه هنا وقابل السيد فايق وقابلنى، بيحكى عن ارتباط الجماعة اليهود هناك بالسفارة الاسرائيلية؛ يعنى فيه مواعيد دورية للقاءات، وعليهم واجبات بيؤدوها وعليهم حاجات بيعملوها. وبعدين بيتكلم عن الشعب الألمانى نفسه، صحيح مياالين كمستثمرين لأموالهم مايبهمومش الفلوس وكان بيتكلم وحط تقرير فى هذا الكلام.

عبد الناصر: لأ.. هو من ناحية الاستثمار، إحنا ماشيين حتى من ناحية شراء القمح والعمليات دى، حتى هم طلبوا ممكن نمشى الموضوع باسم دولة ثانية وبعدين اتصلنا بالسعودية وماشيين. هو العملية بالنسبة للطلبة الذى بيروحوا هناك، أنا ليه قلت: بلاش نبعث لألمانيا؛ الطلبة الذى بيروحوا على طول جزء منهم هنخسرهم، مافيش إمكانية يعنى! أما يروح حسين كامل بهاء الدين نشوف بعد كده الحقيقة إيه، لكن فيه تركيز على المصريين هناك؛ لأن سعيد رمضان والمجموعة دى مقيمة هناك والمجموعة دى كلها بتشتغل هناك، والألمان نفسهم بيشجعوا أى واحد بيعتبروهم لاجئين ويبدوهم ماهيات لاجئين، أظن عندهم مرتبات معونة لاجئ وعملية بهذا الشكل يعنى غير فرنسا.

سرى للغاية

مثلا فيه فى فرنسا ناس بينتقدوا يقولوا ديمقراطية ومش فاهم إيه، أنا رأيى إن دول مش خطيرين، وجه ناس منهم فى مؤتمر المبعوثين وأنا الحقيقة طمنتهم قلت لهم يجوا، بيتكلموا على النظام الليبرالى والديمقراطية والعمليات دى؛ ده ما يخوفش والحقيقة فيه فرق بين واحد يتكلم وفيه فرق بين واحد بيتصل بعنصر معادى ويمشى معاه. فيه ناس منهم فى ألمانيا باعوا إدوا باسبورتات لليهود! وبعدين نفس ألمانيا يعنى الحقيقة العمل فيها ضدنا مركز على الطلبة وأمريكا.. ألمانيا وأمريكا.

الأولاد فى موسكو بيروحوا السفارة وبيتصلوا باستمرار الحقيقة.

الحقيقة عندنا بره عاملين إحنا اتحادات اشتراكية بره وجمعيات الطلبة وفيه أولاد كويسين جدا؛ فيه فى ألمانيا متصدين للأولاد دول عناصر متصدية ليهم وبتقف ليهم والكلام ده لكن هم بيقدروا يجذبوا أى حد، بالذات أى واحد عنده عنصر إخوانى أو خلفية إخوانى على طول بياخدوه.

العملية أصلها تجارة، وهو سعيد رمضان ماشى مع CIA وبعدين حتى العمليات النسائية والكلام ده كله معروف؛ يعنى كونه مربى دقنه دى عملية يعنى..
يالآ؟

(انتقل الاجتماع الى قاعة الجلسة)

سرى للغاية

عبد الناصر: أنا جايب معايا موضوع الطلبة والتجنيد، لكن التجنيد كتايب.

أبو النور: حاولنا بواسطة الجامعة علشان نبعدهم.

عبد الناصر: حل سياسى غلط بالنسبة لكل الأطراف، نبقى بنستخدم الجيش فى كلام مش تمام.

السادات: كلام المؤتمر عزله.

عبد الناصر: الفرق بين التجنيد، ماهى الخدمة تجنيد فيه كلام على أساس فيه عمل.

الشافعى: صورة أخرى.

عبد الناصر: لا. مش ضرورى صورة أخرى، بالنسبة لطلبة الجامعة فيه تأجيل لسن ٢٨.

شقىر: مجموعة الشاعر والحلوجى وإبراهيم شفىق عدد موجود لكن بيحاول يجند لم يظهر. الكوبرى اتمسك ٥٣ واحد، ولكن دول لم يدخلوا فى حاجة نقدر نمسكه فيها. الداخلية هى اللى تكتب ولكن معندهاش دليل فى المرحلة دى، لو فتحنا الدراسة والأولاد دول اتحركوا يبقى نفصلهم على طول، إن لم نأخذ بهذا نجيب أولياء أمورهم وإنذار رسمى.

عبد الناصر: قولوا لنا ملخص الموضوع.

أبو النور: فيه جزء ممكن يتحاكم بالنسبة للائحة، أولا نحل الاتحادات الموجوده حاليا لنعيد انتخابها ونعمل اتحاد مؤقت لغاية مارس، على إن الاتحاد يكون له رواد مسؤولة.

عبد الناصر: لأ.. نحل وبلاش لغاية مارس، كلام الطلبة بيقولوا: لا يمكن نتنازل عن المكاسب اللى أخذناها بعد حركة فبراير! إنما نيحى ونحل وبعدين نعين دكتور مش عايزين، وهو أصلا الاتحاد محروق والأولاد السيئين فى الاتحاد كان معطيهم قوة، أصل الاتحاد ما هو السبب.

سرى للغاية

أبو النور: ويدخلوا الأولاد فى فترة مزايده.

عبد الناصر: هو أساسا اللي بيخشوا الاتحاد الأولاد اللي قاعدين فى الكافتيريا وفيه ناس منهم اللي سقطوا مش هيدخلوا، ولما أعمل انتخابات جديدة نمسك السفلة والولد الشاطر هو من عيلة الشاطر بتاعة الشرقية.

صوت: لأ هو من السويس.

صوت: أيوه كان عامل مع عبدالهادى ناصف. اتحاد هندسة الإسكندرية معظم الأولاد دول، علما بأن رئيس اتحاد أسيوط كويس بتاع عين شمس كويس.. نهنوش، المعاهد العليا الناظر مش كويس، فاضل بتاع الأزهر اللي هو ساطع مافيش داعى.

شقير: الفكرة كانت اتحاد الكليات وليس الجامعات، نعين الرائد ونمسكه الفلوس ونقول اللائحة فى..

عبد الناصر: الحقيقة أنا كلمت البرلسى النهارده وهشوفه بكره وقلت له: هل تقدر تتفد؟ وقلت أشوفه الظهر بكره. تقدررو اللي هيعمل حاجة تفصلوه وإلا حاتخافوا من الطلبة؟! والحقيقة عملية الحل مش موافق، وموافق على عملية التعديل وينزل إنه حصل فى الفلوس كذا.

شقير: المؤتمر القومى أخذ قرار ونقدر نقول رائد من الاتحاد الاشتراكى.

عبد الناصر: الاتحاد ده ما كان يساوى حاجة أبدا وإحنا اللي خلقنا ده. حلمى نهنوش عنده أخلاق، جايبين الشورجى والبرادعى.. محامين سيئين، وقلت إن الاتحاد الاشتراكى بتاع الجامعة بيحجب محامين. إذا كانت محكمة أمن دولة عليا تبقى النقابة تخلص عملية اللائحة والسيطرة. بيقدر ياخذ ١٠٠٠ جنيه ويدي والمحامين مش جايبين لله، لا يستطيع أهاليهم إنهم يجيبوا محامين. نسيب عملية المحامين دى سواء الاتحاد عمل أو معملش، شعراوى قال: حاجيب حسن عيد.

سرى للغاية

أبو النور: النقطة الثانية: تعديل ربط الاتحاد، كل اتحاد فى كل كلية مرتبط بالعمل السياسى والرائد ينتدب من الاتحاد، وده يقتضى إعادة النظر.

عبد الناصر: فى الإسكندرية، هل الوقت مناسب نعمل انتخابات لجنة الاتحاد الاشتراكى؟ ومين بيحى؟
علمنا الأساسى يكون تنظيمى، لا يمكن نحل وتبقى مظهرها إن الأساتذة معادين والطلبة معادين! أنا متصور إن احنا مانقدر نحل لجان الاتحاد الاشتراكى ومش ضامن القاعدة والظرف فيه tension.

الشافعى: استبعاد عنصر أو اثنين.

أبو النور: مافيش هى سلبية.

عبد الناصر: مش طلبة الطب الداكاترة الرجعيين، وقف قناوى بتاع أنور السادات هم كانوا متهيا لهم فى تصورى الدنيا واقعة خالص، قناوى وسرور عمرهم ما اتكلموا فى السياسة ولو بتاخذ إجراء والعملية مش عايزين نعمل أعمال، لازم الرأى العام ياخذ موقف معانا، هو العريان فين؟ فى الكلية وماسك التنظيم.

شقيق: والعميد منظم كمان.

عبد الناصر: شفته بيكلم فريد حسنين بيجر ناعم، العريان مرتبط بعض الطلبة وله خطة.

شقيق: أشد لحظات صعوبة فى العام الماضى كان واقف جنبه.

عبد الناصر: العريان طلب فريد وقال كلمته كويس، فريد بعد كلمته طلبه كثير.. ولكن عاوز ينظم نفسه ويسيل نفسه ولا يؤمن له أبدا! واحد اسمه أسامة مش عارف متهيا لى طالب، وبنقول: هنعمل مؤتمر وهنعمل إيه، وهل هنتفرج؟ فيه خوف يبقى بالنسبة للعمداء. فى فرنسا قالوا: مافيش سياسة المدرجات للعلم فقط ووزير التعليم العالى مالوش سلطة، جريدة الحائط لازم يمضى عليها الرائد.

سرى للغاية

شقىر: فصل خمسة أو ستة يمنع كل ده.

الشافعى: العمادة.

أبو النور: النقط دى كان تفرغ لبعض العناصر، علشان تتفرغ بعض العناصر علشان تبقى ونعوضه عن إيراده الخارجى ببيكون النتيجة بندى..

الشافعى: التوقيت مش مناسب الآن الإدارة والعمل السياسى.

شقىر: لو مكانش العميد مؤمن.

عبد الناصر: واحد زى درويش بيموت نفسه.

أبو النور: عملية يدفعوا حاجة لو سقطوا ونحدد مدة سنتين، ضعف سنين الدراسة ويفصل وماشيين مع نفس الموضوع؛ واحد يقعد ١٥ سنة ويقعد مشاكس.

عبد الناصر: عملية الواحد لو يميز..

شقىر: لا.. فيه عذر مقبول.

عبد الناصر: أنا أصلى أخذت ملاريا ومقدرش.. ونظلمه وعايضة قانون.

أبو النور: العمليات اللى كنا وصلنا ليها ترمين محل بحث بس مش دلوقتى.

عبد الناصر: لا.. سياسيا لا مانع.

شقىر: حاليا فيه خبراء ودراسة بتعمل.

سرى للغاية

عبد الناصر: مش عارف مين قالوا فى الخارج بياخدوا ترمين وطول الوقت بحث وامتحانات.

أبو النور: فيه ٧٢ طالب فى إسكندرية هيقدموا للمحكمة، ٦٩ طالب وأستاذ ومعيدين، ٤ مقبوض عليهم من ٥ أيام.

شقيير: فيه عصمت زين الدين و٤ معيدين واتمسك ٥ من كذا يوم برضه لنفس القضية، ٥ معيدين وعصمت زين الدين ده غير معيدين هيفصلوا من الجامعة فى إسكندرية.

أبو النور: فيه ١٢٩ طالب لم يثبت شئ عليهم.. جزء لم يثبت عليه حاجة براءة.

عبد الناصر: ١٢٩ لا نستطيع نقول للجامعة يأخذوا جزا.

أبو النور: على نور الدين قال: مش شايف على الـ ٥٠ واحد دول حاجة!

عبد الناصر: مافيش مانع، لازم الراجل على نور الدين نسهل عليه موقفه وناس مروا على بتوع النيابة وقالوا بتوع النيابة ماتسمعوش كلام على نور الدين؛ بيتنقلوا سكتيتى ولازال ممتاز نصار..

أبو النور: القاهرة ٥٣ بدل ما يروحوا للمحكمة يروحوا الجامعة، وهى تدى جزاءات منها الفصل.

عبد الناصر: قبل الفتح؟

أبو النور: قبل الفتح.. أمام المحكمة.

عبد الناصر: المفصولين إيه الإجراء؟

أبو النور: بيجننوا فوراً، هو فى عين شمس وكان زميل فايق فى القضية وبعدين ٨ هيئة تدريس و ١٤ طالب إنذار بالفصل.

عبد الناصر: مين الـ ٨؟

سرى للغاية

أبو النور: حسن حنفى كلية الآداب، يس على محمد، نبيل نصيف، ممدوح كامل، فرج أحمد فرج
آداب عين شمس.

عبد الناصر: طيب ليه المعيدين؟ ما ينتقلوا كلهم بس لازم نكون متأكدين.

شقيير: المعلومات من الداخلية والمخابرات والجامعة.

عبد الناصر: المعيدين لازم نقل والمدرس إنذار.

شقيير: رأى صفى وحش، رأى عبدالعزيز كامل كويس.

أبو النور: بعدين فئة الجماعة سلوك وحش ١٤ طالب، ٥ فى الجامعة و٥ معاهد عليا بيجنندوا زائد
إنذار.

عبد الناصر: ١٣ فصل أو تجنيد نبحت.. مش ممكن؛ ٥ طلاب معاهد عليا، ٤ طلاب معاهد عليا فصل
بعد وصول تقرير النيابة.

عبد الناصر: تقرير من الداخلية، الأول كان بيشتغل فى الفترة من فبراير لدلوقتى.

السادات: مش عارف هنسيب لإمتى الموضوع ياريس؟

عبد الناصر: هنعتقل.

السادات: المسلك تباعنا هو اللي هيمشى الأول كويس الطلبة يعرفوا حدودهم، أنا بقول: لا نتردد،
لكن مبدأ الاعتقال مش معقول، السجن مش جراج ولازم نعتقل.

أبو النور: فيه ناس ممكن.. ناس فصل بلاش الاعتقال.

سرى للغاية

السادات: إذا إنت لازم تحط من قبل المثل اللى قاله سيادة الرئيس ولد يقول: هنعمل كذا وكذا طيب ما نقدر نسجل له حديث.

عبد الناصر: لأ.. ده مش تسجيل ده تقرير.

السادات: أنا بقول وزير التعليم العالى ومديرو الجامعات والعمداء اللى مياخذش قرار يتشال، أكبر خطأ نقع فيه نسيب الناس لما تتحرك لأ.. لازم أسبق كل إجراء مااستناش.

أبو النور: أخطر عناصر دلوقتى سبعة، الحلوجى وبتوعه.

السادات: وليه ماناخذش موقف.. حرام نظلم ناس.

أبو النور: مبدأ اعتقالهم هيعمل مبدأ لازم أحط البلد على مبدأ، السنة اللى جاية مش عارف حايجرى إيه، مبدأ الاعتقال الفورى لابد نسبق إحنا مش خايفين من مبدأ الاعتقال.

عبد الناصر: بدى أقول حاجة، إحنا مش سنة ٥٤ دلوقتى.

أبو النور: قال السيد الرئيس ممكن.

عبد الناصر: واحد سفير قال: كانوا ١٣ ألف بقوا ٦ آلاف، ٣ آلاف، ولو أنا خايف لأ.

أبو النور: طالما القانون ماشى.. ماشى.

السادات: والله لو سبقنا إحنا الطلبة نفسهم، كده اتخطوا أمام الواقع.

أبو النور: هو ١٠٠ فصل حتى شوية.

الشافعى: الجامعة الأمريكية ما فيها إلا تهديد بالفصل على طول، أنا عناصر عندى لن تظهر، ده فيه واحد عمل عملية فبراير..

سرى للغاية

شقيير: ياريس نضعه تحت الرقابة.

أبو النور: الناس دى مايجبش إنها..

السادات: أسلوب نص نص.

عبد الناصر: إيه رأيك يا أخ لبيب؟

شقيير: رأيى مع الأخ عبد المحسن ونعمل بيان شديد ونفتح الدراسة.

عبد الناصر: إبراهيم شفيق نقدر نمسكه؟

شقيير: إذا كانت معلومات الداخلية بتقول كده نمسكه.

عبد الناصر: النهارده فرنسا مقدمه ناس من اللى خربوا محاكمة.

شقيير: بتوع إسكندرية جناية.

عبد الناصر: عدلنا القانون لمؤيدى التخريب.

السادات: الكلام ده فى غاية الخطورة.. الكلام اللى إنتو بتقولوه، هنعقل ألف بدل ستة أو عشرة!

الشافعى: أيوه.

السادات: الدولة أخذت خط جديد، الدولة أخذت خط كل إنسان عايز دواء أعالجه بالدواء.. ده حدث ما فى طالب فى الجامعة حكم عليه. عمليات جديدة عمر ما حصل ولو سبناهم كانوا حرقوا البلد، وما كان فيه يهود، إبراهيم شفيق عمل حلقات مع العمال؛ إحنا هنستى لما ياخذ العمال والطلبة كمان!؟

سرى للغاية

عبد الناصر: طيب إنت مش بتقول: أجندهم؟ طيب بدل كده أفصلهم. بتقول: إحنا مش عايزين سيادتك تمضى قرار، طيب حسين الشافعى يمضيه، فابديك سلطة لمدة ساعتين تجيب عليهم حاجات ملموسة؛ مثلا على رأى عبد المجيد فريد بيقول: إبراهيم شفيق متصل، تقدر تجيب ٢ أو ٣.

السادات: أنا بافيدك ده أنا بأظلم البلد.

عبد الناصر: المجموعة الكبيرة من الهندسة والعلوم.

شقيير: طيب مانمسك دول فى قضية ثانية.

الشافعى: منشور مصر الحرة فيه معنى اتصال العمال والطلبة.

عبد الناصر: إيه رأيك يا ضياء؟

داوود: مش معقول يا فندم.

السادات: أيام الأحزاب كان فيه.

عبد الناصر: طيب ليه أشكل محكمة بسرعة طالما هم محبوبين على ذمة القضية لمدة شهرين؟ أنا سألت سامى.

شقيير: كان معايا واحد عميد النهارده وقال: المحكمة تمشى على راحتها وحتى لما بعد الأجازة، باين إن فيه محكمة.

داوود: كل اللى اعتقلوا إخوان وشيوعيين.

عبد الناصر: عملية اعتقال دول فى رأى من هندسة القاهرة بالذات ١٤ لا يكفى لازم أعتقل ١٠٠، العملية فى كلية هندسة القاهرة يأعتقل يابلاش. كان بيقول عايز يعمل مؤتمر سمير نصر محمد الإترى عايز يعمل أول يوم مؤتمر، طيب رد فعل التجنيد إيه؟

سرى للغاية

داوود: رد فعل الاعتقال أليه إجراء يقال من الصعب، كلام المحكمة تعمل رد فعل تعاطف خارج الجامعة.

عبد الناصر: بهذا لا تضمنوا عدم تحرك فى الجامعة عند الفتح.

أبو النور: كل الإجراءات دى قبل فتح الجامعة ونكون حازمين.

عبد الناصر: إيه أنور؟

السادات: غير كاف هنضغط نعتقل ألف، أنا عايز طيب شوفوا تانى إحسبوا لازم الناس اللى حاتدولهم مسؤولية لازم ناخذ رأيهم.

أبو النور: بالنسبة للتواريخ ٤ أو ١١ بالنسبة للجامعة، هو فيه طلب بفتح الجامعة هل نفتح الكل؟ كان شعراوى له رأى نفتح يوم ٤ لأن الثانوى فى اجازة.

عبد الناصر: أنا اعتقلت الجدع ده كلم سامى يسيبه تانى وينذره، الكلام بتاع وكيل الاتحاد بجامعة أسيوط بيقول القاهرة والإسكندرية والجامعات محاصرة بالدبابات، وكيل الاتحاد ده كان له دور بعمل مظاهرة.

أبو النور: هل الوكيل فعلا هو اللى أخذ؟

استينو: هل ممكن نفتح الدراسات العليا والبيكالوريوس؟

عبد الناصر: هو أنا رأى إن دول ليس لهم ذنب فى هذا.

أبو النور: فى القاهرة ٥٣ يطلعهم ويحولوا تأديب، بالنسبة للقاهرة فيه أسامى هنا تاخذ فصل على طول. الأساتذة: الشاطر حاول ينتحر، طلبة عايزين يروحوا يشوفوه.. لأ.

عبد الناصر: دى تخلق وصاية، خلاص موضوع الطلبة موضوع الانتخابات.

سرى للغاية

أبو النور: لجان الـ ١٤ و ١٥ فى القاهرة، إسكندرية حصر كامل عن ما تقدم لغاية النهارده.

عبد الناصر: لأ مابديش صورة كاملة، الحقيقة المحافظات: الدقهلية، الإسكندرية، بنى سويف، المنيا، بالنسبة الليلة لازم نعرف مين النواب لازم تقولوا. مجلس الأمة أهو ناس نقول لهم لأ.. ناس نقول لهم إنزل.

صوت: أخو إبراهيم بتاع المؤتمر كان ابن عم محمود عبد اللطيف كان بيشتغل مع شوقى، سأل النهارده عن أسيوط بقسم الدوائر لمحافظات قبل باب الترشيح عدا الساعة ١٢ هتلاقى السكرتير داخل والسكرتير المساعد داخل وهم اللي ياخدوا الطلبات.

عبد الناصر: هل فيه عناصر وحشة فى القاهرة يا عبد المجيد؟

فريد: لأ يا فندم.

عبد الناصر: المحافظين لهم دلاديل، ليه أنا نقلت وجيه من البحيرة، كان له دلاديل هناك. نجيب معلومات من الاتحاد الاشتراكي ومن المحافظ ومن المباحث العامة، وأنا من تجربتى السابقة لما أعطيت مسؤولية بعد سنة ٦٤ لقيت الجوابات اللي جت لى مش معقولة! أكثر ناس إدونى فكرة عن مجلس الأمة المباحث العامة فكرة ٩٠٪، بيقولوا بيشر ب الخمر.. هل عنصر سيئ؟ يعرف الناس.. هل عنصر سيئ؟ لكن تجار الحشيش معروفين والجماعة اللي بالشكل ده أو اللي بيقدوا أماننا بوش؛ لازم نتصل بى نعمل check رأبى العناصر الكويسة هتخش.. عندنا ٣ أيام.

أبو النور: فيه نقطة أخرى أمناء وأمناء مساعدين نازلين أمام بعض.

عبد الناصر: هنعمل قيد على القيد، فى القاهرة داخلين أمناء وأمناء مساعدين!؟

صوت: أيوه أربعة.

سرى للغاية

عبد الناصر: فى إسكندرية ممكن يفلت حد لأن كل الناس جداد، المحافظ جديد ومير الأمن جديد. على السيد وكمال رفعت قلت لازم يخشوا النهارده قلت: ينزلوا ونعينهم أى حاجة، ياخدوا مرتب وزير فى الرئاسة ماسكين مقررين فى الأمانة. الـ ٣ أيام أو الـ ٤ اللى جايين نعمل بحث كويس.

داوود: بالنسبة لموضوع حق اللجنة المركزية فى الفصل، تحتاج تعديل دستورى مش قانون.

عبد الناصر: أحكام عامة ولاّ إيه؟

داوود: أيوه أحكام عامة.

عبد الناصر: آه.. بعد شهرين كل من رئيس الجمهورية ومجلس الأمة طلب تعديل مادة أو أكثر من مواد الدستور. وجب أن يذكر فى طلب التعديل المواد المطلوب تعديلها والأسباب الداعية الى هذا التعديل، فإذا كان الطلب صادرا من مجلس الأمة وجب إن يكون موقعا من ثلث أعضاء المجلس على الأقل. وفى جميع الأحوال يناقش المجلس مبدأ التعديل ويصدر قراره فى شأنه بأغلبية أعضائه، فإذا رفض الطلب لا يجوز إعادة طلب تعديل المواد ذاتها قبل مضى سنة على هذا الرفض، وإذا وافق مجلس الأمة على مبدأ التعديل يناقش بعد شهرين من تاريخ هذه الموافقة على المواد المراد تعديلها، فإذا وافق على التعديل ثلث عدد أعضاء المجلس اعتبر نافذا من تاريخ الموافقة. هو إحنا كنا قايلين قبل كده فيه استفتاء بعد كده فى الدستور اللى قبل ده فيه؟ هل دى تعقد العملية؟

داوود: دى عايزة بحث، حق الرئيس حق تشريعى ليحل محل مجلس الأمة، يحل إزاي فى المرحلتين دول؟

أبو النور: أما يفوت عليه شهرين بيمشى برضه.

السادات: يعنى ياخذ الحق الأول بتاع المادة دى.

عبد الناصر: ما نعدل المادة اللى.. (ضحك)

سرى للغاية

أصوات: (ضحك)

عبد الناصر: المادة ١٦٥.

السادات: يعنى التفويض الأول وبعدين القاهرة.

داوود: أنا مش مقتنع بالقوى القاهرة دى لتعديل القوانين.

عبد الناصر: لأ.. هو التفويض بس الحقيقة.

شقير: ما هو تفويض السيد الرئيس فى التعديل ما هو يلغى كل الإجراءات فى استصدار القوانين أى إجراء.

عبد الناصر: ما عدا الدستور.

شقير: لأ يافندم بقول: إذا كان منصوص هنا فى الدستور إن القانون علشان يعرض لازم يعرض ويتلى تلاوة أولى وتلاوة ثانية.

السادات: لأ.. أنا عاوز أقول بقى التفويض، إنت قصدك هنا تفويض إيه يا ضياء؟

داوود: القانون ١٥.

السادات: لأ.. فيه تفويض للرئيس يوقف بيه الدستور ده كله.

داوود: لأ.. ده تفويض سياسى مش تفويض دستورى.

السادات: طيب يجب كله، اللي هو إعادة البناء ياريس.

سرى للغاية

أبو النور: طيب هل إن الرئيس يحل محل مجلس الأمة فى إجراءات؟

السادات: أصل فيه تفويضين إحنا عملنا اتنين ده الأولانى اللى بيتكلم عليه ضياء، وبعدين بتاع يوم ١٠ إنه علشان إعادة البناء السياسى..

داوود: بس ده تفويض سياسى.

السادات: إدينا له تفويض مطلق يعمل فيه ما يشاء، ممكن يشيل الدستور ويحط دستور تانى، إعادة البناء السياسى والعسكرى وله فى هذا أن يفعل ما يشاء.

عبد الناصر: هو المادة ٩٤ من الدستور بتقول لا يجوز إسقاط عضوية أحد من أعضاء مجلس الأمة إلا بقرار من المجلس بأغلبية ثلثى أعضاؤه بناء على اقتراح ٢٠ من الأعضاء، وذلك إذا فقد الثقة والاعتبار أو أخل بواجبات عضويته أو فقد صفة العامل أو الفلاح التى انتخب على أساسها أو قصر فى حضور جلسات مجلس الأمة؛ كل ده مايمش لكن لازم ثلثين الأعضاء يعنى مع ده كله لازم ثلثين الأعضاء.

داوود: هم اعتبروا عضوية الاتحاد الاشتراكى شرط ترشيح مش شرط استمرار، ولذلك حتى لو فقدت عضوية الاتحاد الاشتراكى هنا مانصش حتى إنه يخرج.. مانصتش لأ.

عبد الناصر: ماهو ده اللى احنا بدنا نعمله.

السادات: ماهو ده اللى احنا بنتكلم فيه.

داوود: هو النص ده عايز يتعدل المادة ٩٤.

عبد الناصر: ما هو ده اللى احنا بنقول نعدله متهيألى محدش.

شقيير: محدش.. ماعدش يثير أى مشكلة دستورية فيها دى.

سرى للغاية

داوود: لأ.. وعلى رأى الدكتور لبيب هو أبدى وجهة نظر صحيحة الحقيقة إنه مادام فيه تفويض بالتشريع مش معناها التقيد بالإجراءات؛ زى ما بنقول مثلا لا لقانون نص اتعمل.. دى إجراءات.

عبد الناصر: بتجهز لنا دى.

السادات: حاضر.

عبد الناصر: هو ده لازم يطلع بسرعة.

السادات: أنا كنت مجهز على أساس تعديل فقرة فى قانون مجلس الأمة لكن كنا حانرجع تانى للمجلس، لكن التعديل على أساس إن احنا كنا حانرجع تانى للمجلس برضه.

عبد الناصر: وأنا رأى إن احنا مش حانطبق..

شقىر: مجرد سيف.

السادات: مجرد سيف بس عمرها ما حانطبق.

عبد الناصر: إيه الموضوع اللي بعده؟

السادات: بتاع إرجاء الانتخابات فى المحافظات القنال وسيناء، القرار معمول على أساس إنه هتوقف الانتخابات فى الثلاث محافظات وسيناء. وبعدين فيه رأى بيقوله عبد المحسن.. تعيين الناس دول إنه مؤتمرات الدوائر زى بقية الجمهورية بتجتمع وتقدم لك ضعف العدد زى ما حصل فى اللجنة المركزية. القانون بتاع وقف الإجراءات ده لوحده إحنا بنتكلم على شغلنا كاتحاد يعنى.

سرى للغاية

أبو النور: هى ماشية على نفس الطريقة اللى ماشيين بيها النهارده، طالما إن للظروف القهرية اللى الموجودة مش ممكن إنها تتم عملية إجراء الانتخابات فى هذه المحافظات، ويبقى على هذا الأساس يطلع هذا القرار على أساس إن سيادتك تملك حق تعيين ممثلى هذه المحافظات، طريقة التعيين بقى تيجى إزاي؟ بنفس الطريقة اللى احنا ماشيين بيها النهارده مؤتمرات هذه المحافظات بتجتمع، وزى ما اتعمل فى اللجنة المركزية بترشح لسيادتك ضعف العدد وسيادتك تاخذ العدد المطلوب.

عبد الناصر: بدى أسأل سؤال: هو النواب اللى كانوا فى المجلس القديم؟

السادات: فيه اعتراض بقى فيه وحشين، هى العملية تمشى فى السويس والإسماعيلية كويس، الإسماعيلية فيه واحد أو اثنين بس فيه اثنين ماتوا ممكن نصلح فيهم، أما بورسعيد فيه اعتراض كامل على الأعضاء هناك؛ يعنى ده اللى خلانا بنعيد الكلام فى هذا.

داوود: هو الحقيقة مش عارف أنا من وجهة نظرى حكاية التعيين دى مش مقبولة، دى يعنى هيبقى شكلها كده زى رقع فى المجلس، ولا تقاسش على تعيين العشرة لأن العشرة دول زيادة على الـ ٣٥٠.

عبد الناصر: وفى الدستور.. وبعدين هو التعيين هنا برضه دستوريا مالوش حل برضه.

داوود: هو التزكية كانت مُنعت فى قانون مجلس الأمة الحالى وقالوا: لابد ياخذ ٢٠٪ من الأعضاء. لو إحنا عدلنا هذا النص وأبجنا استثناء فى حالة الضرورة زى النص بتاع تقصير المواعيد؛ إن احنا نقدر نلغى هذا النص ويبقى فيه تزكية ولو بالنسبة لهذه المحافظات بالذات والمؤتمرات تقفل على العدد المطلوب.

عبد الناصر: ده بيقى أحسن آه.

داوود: بيقى أحسن من الشكل القانونى.

سرى للغاية

أبو النور: لأ.. بس أنا ناقشت معاه هذه النقطة، النقطة دي عايزة تزكية حتى لو قلت أى عدد من الأعداد لايد أعمل له انتخاب، نجريه فين؟

داوود: لأ.. لأ.. منجروش أنا بقول: نعدل النص ندى تزكية بس وهنصفي.

أبو النور: حانصفي في المؤتمر.

داوود: ما هو حانصفي في المؤتمر.

السادات: إنت ماسمعتش كلام بتاع بورسعيد؟

داوود: بتاع بورسعيد اتكلم عن إيه؟

السادات: بيقول ماتخليناش نعمل هذه العملية عندنا في بورسعيد أبدا.

داوود: ده مؤتمر الاتحاد يعني ده العدد المققول الصغير اللي هيجرى بينهم.

عبد الناصر: يعني مؤتمر الاتحاد يختار لكل دايرة اتنين ودول يطلعوا بالتركية على قديمه من غير مايعرضوا على الناخبين، ودى عايزة تعديل القانون مش في الدستور.

داوود: ويبقى ريحنا نفسنا من الحكاية دي خالص، وبعدين إذا كان هيخش ناس من خارج المؤتمر يعني مش قياديين مانديلهومش أهدافهم بالنسبة لهذه المحافظات.

شقيير: محدش هيخش بقى، ما إحنا لو عدلنا القانون خلاص.

عبد الناصر: ده ممكن نعدل القانون.

السادات: حاضر.

سرى للغاىة

عبد الناصر: إيه تانى؟ متهىالى المواضيع الثانية الفلاحين والاقتصاد بنأجلها.

شقىر: الفلاحين فىها استعجال شوية يافندم.

عبد الناصر: إيه؟

شقىر: هى مشكلات بسيطة قوى، إنما اقترح لو أعلنت قبل العيد ببقى أحسن. هى مشاكل بسيطة؛ هم بيوزعوا لهم دلوقتى يافندم الأسمدة الأزوتية متميعة شارية مياه قبل ما بتتوزع عليهم، وبالتالي بتكون النتيجة إن الفلاح شاعر إنها مابتعملش حاجة وبيفرضوها عليهم؛ فبقتراح إنه يعلن إننا هنمنع تسليم أى أسمدة أزوتية متميعة.

عبد الناصر: تقدر نمنع؟

شقىر: نعلن للفلاحين ونحاول مراقبتها بكل الأجهزة ونتفق مع الأخ صدقى. وبعدين هو غرامات عدم التوريد كنا أخذنا فيها قرار إنما حتى الآن ماتخدوش الوسيلة التنفيذية بتاعته؛ فإحنا عايزين نعلن إن اللى دفع غرامة وبعد كده اتشالت من عليه إن كان مدين حاتخصم من مديونيته، إن كان دائن حاترصد له فى حساب دائن ونبقى نحاسبه عليها بعدين. صرف السلعة العينية للمدينين يافندم، مابيدوش دلوقتى سلعة عينيه للى مدين لهم بأى دين؛ دى جايز تحل مشكلة بنك التسليف، لكن باخشى إنه يفوت الوقت ولا ياخدوش النقاوى وبالتالي الإنتاج الزراعى هو اللى يتأثر. فإحنا مقترحين إننا نفرق مابين المدينين، المدين اللى ورد حاصلاته اللى كانت ملزمة عليه بالحيازة ولكن ماكفتش تسديد الديون بتاعته.. ده عمل كل جهده وورد لكن ماكفتش وده بيمثل ٩٠٪.

عبد الناصر: والباقى والررز والكلام ده.

شقىر: نمشى كل ده يافندم.

عبد الناصر: بتتفق مع سيد يعنى.

سرى للغاية

شقيير: بنتفق مع الأخ سيد وبنمشيها.

أبو النور: فيه النقطة بتاع "ب" اللي هم المدينين اللي ماوردوش يحصلوا المبالغ قيمتها منهم وماتصرفش لهم إلا بالثمن ماعدا البذور، البذور لازم تصرف بالثمن أو بغير ثمن أيا كان لأنه مش حايزرع، حايزرع إزاي؟!

داوود: فيه نقطة فى القانون دلوقتى، اللي بيستلم مستلزمات الإنتاج سواء كانت نقدية أو عينية هو الحارس، لو حطينا نص يعنى إحنا إدينا مثلا لنظام المزارعة إن من حق أحد الطرفين إنه يرفع شكوى للجنة فض المنازعات ويطلب نقل الحيازة باسمه لأن الطرف الآخر أساء استعمال هذه المستلزمات الإنتاج نقدية أو عينية؛ لو إدينا الحق للجمعية بأنها تطلب نقل الحيازة من الشخص المسئ، وبنعتبر عدم وفاء الثمن أو إنه هو بيبدد السلفة العينية أو النقدية تعتبر إنه نوع من الإساءة.

عبد الناصر: الجمعية التعاونية يعنى؟

داوود: للجمعية مثلا أو ندى لأى طرف يعنى.

عبد الناصر: الجمعية النهارده فيه إجماع على إنها فاسدة!

أبو النور: الطرف حايشغل ضد الصالح على طول.

داوود: بلاش الجمعية ندى البنك.

السادات: ده البنك أسوأ.

أبو النور: حايشيل من كل فلاح الحيازة الصغيرة ويديها الكبير.

عبد الناصر: البنك وحش والجمعيات وحشة!

سرى للغاية

داوود: لو هو مش نظام المزارعة، أنا بتكلم على نظام الإيجار أصل فى نظام الإيجار خطيرة جدا؛ لأن هى واحد محطوط الحيازة باسمه، ويفضل ياخذ ويستمر فى هذه العملية؛ عاوز وسيلة إن أنا أحكمه.

أبو النور: ما هو اللى بيزرع حاتديها لمين!؟

عبد الناصر: لأ.. هتبقى فرصة لشيله يدفعوا فلوس لشيله؛ لأن هم الملاك عايزين يشيلوا.

داوود: لأ.. ما إحنا نخليها فى لجنة قضائية برضه.

عبد الناصر: إبحثوا يعنى.

شقير: هى والله دى كانت رغبة من كل ممثلى لجنة الفلاحين فى اللجنة المركزية.

السادات: بتعمل تأثير.

داوود: يعنى الكيماوى بتاع القمح لازم يتصرف اليومين دول بالذات.

السادات: بيحملوا لهم الكيماوى المتميع على الكيماوى الثانى وبياخده يرميه.

داوود: الكيماوى المتميع هى مشكلة قديمة وملهاش حل؛ لأن التعبئة عندنا مايصحش إنها تعبأ فى هذا النوع من الشوالات تتعبأ فى حاجات ماتتاكلش. المواد اللى هى الأزوتية دى بتاكل الشوالات، وكانوا اقترحوا يعملوا حاجات تانية ماتمتش يظهر زيادة فى التكلفة أو حاجة زى كده، فهى المشكلة إنه يبقى تعبئتها حديثة وتتنوع بسرعة ماتتركنش.. ده الحل الوحيد.

عبد الناصر: كل سنة وإنتمو طيبين.

أصوات: كل سنة وإنتم طيب.